



Adresa: **Ul. Hamdije Čemerlića 39a**
71000 Sarajevo
<http://www.voda.ba>

tel. +387 33 726 400
fax. +387 33 726 423
e – mail: info@voda.ba

Broj: **UP-1/21-3-40-533-4/24**

Datum: **10.12.2024. godine**

„Agencija za vodno područje rijeke Save“ Sarajevo rješavajući po zahtjevu pravnog lica „ĐUZELIĆ“ d.o.o. Cazin, za izdavanje vodne dozvole za ispuštanje tehnoloških otpadnih voda i aktivnosti koje mogu imati specifične uticaje na vode prilikom izvođenja aktivnosti na lokaciji kamenoloma "Ostrožac I i II" u naselju Ostrožac, Grad Cazin, na osnovu člana 139. stav (1) tačka 3 i 10. Zakona o vodama („Službene novine Federacije BiH“, broj 70/06) i člana 200. Stav (1) Zakona o upravnom postupku („Službene novine Federacije BiH“, broj 2/98, 48/99 i 61/22), donosi:

R J E Š E N J E **o vodnoj dozvoli**

1. Pravnom licu, „ĐUZELIĆ“ d.o.o. Cazin, daje se vodna dozvola za ispuštanje tehnoloških otpadnih voda i aktivnosti koje mogu imati specifične uticaje na vode prilikom izvođenja aktivnosti na lokaciji kamenoloma „Ostrožac I“ na zemljištu označenom kao k.č. broj: 1638, 1639, 1640, 1646, 1647 i 1648 K.O. Polje površine 4,18 ha, i "Ostrožac II", na zemljištu označenom kao k.č. broj 1617/2, 1624, 1625, 1626, 1627, 1632, 1633, 1634, 1635, 1636, 1637, 1638, 1639, 1643/2, 1644 i 1645 K.O. Polje grad Cazin, površine 4,86 ha.
2. Ova vodna dozvola ne oslobađa podnosioca zahtjeva obaveze pribavljanja vodne dozvole za korištenje vode i ispuštanje sanitarnih otpadnih voda, za čije je izdavanje nadležno Ministarstvo poljoprivrede vodoprivrede i šumarstva Unsko-sanskog kantona, u skladu sa članom 139. stav 2. tačka 1. i 2. Zakona o vodama.
3. Rješenje o vodnoj dozvoli se donosi na osnovu pregleda dokumentacije kojom raspolaže podnosilac zahtjeva, **dostavljenog dinamičkog plana** i izvršenog uviđaja na površinskom kopu-kamenolomu pod slijedećim uslovima:
 - 3.1. Da se upotreba i korištenje predmetnih objekata vrši u skladu sa njihovom prirodom i namjenom te u skladu sa uslovima iz ove vodne dozvole.
 - 3.2. Da korisnik predmetnog objekta za eksploataciju dolomita na površinskom kopu „Ostrožac I i II“ s pratećim sadržajima u toku važenja ovog Rješenja realizuje radove u skladu sa dostavljenim „Glavnim projektom hidroinstalacija za prikupljanje, prečišćavanje, odvodnju i ispuštanje otpadnih voda sa PK dolomita „Ostrožac I i II“, grad Cazin“, urađenog od strane „TQM“ d.o.o. Lukavac, izrađen pod brojem 10-113/23, maja 2023. godine, revidiran od strane „Euroing“ doo Bihać pod brojem REV 12-06/23 juna 2023. godine i dostavljenog dinamičkog plana realizira radove:
 - Da do 30.11.2024. godine izgradi vodonepropusnu AB tankvanu u sklopu skladišta za smještaj opasnih materija,
 - Da do 31.12.2024. godine izvede radove na čišćenju septika i izolaciji kako bi ista bila vodonepropusna,
 - Da do 31.01.2025. godine izvede radove proširenja vodovodne mreže prema projektnoj dokumentaciji,
 - Da do 31.03.2025. godine izgradi dvokomorni AB taložnik sa cjevovodnim ispustom u obližnji potok Čelar,
 - Da do 30.06.2025. godine izvede radove na iskopu sjevernog otvorenog kanala dužine 423,65 m prema tehničkoj dokumentaciji,
 - Da do 31.08.2025. godine izvede radove na iskopu istočnog otvorenog kanala do spoja sa sjevernim kanalom dužine 299,66 m,
 - Da do 30.11.2025. godine izvede radove na izgradnji zacjevljenja kanala od ulaza u PK do priručnog skladišta, dužine 155,12 m,

- Da do 31.12.2025. godine nabavi i ugradi separator ulja i masti, te izgradi monitoring okno pored istog a prije isusta u recipijent –obližnji potok Čelar,
 - Da do 31.01.2026. godine izgradi AB plato za pranje transportnih vozila i radne mehanizacije sa ugradnjom slivne kanalice,
 - Do 31.03.2026. godine izvesti radove na izgradnji tehnološke zamuljene kanalizacije sa ugradnjom separatora,
 - Do 30.06.2026. godine izvršiti iskop južnog i zapadnog otvorenog kanala dužine 393,93 m oko PK Ostrožac I i II,
 - Do 30.06.2026. godine nabaviti i instalirati pumpu za transport istaloženih otpadnih voda iz sabirne jame u recipijent potok Čelar.
- 3.3. Skladištiti ulja i maziva u natkrivenom prostoru u namjenskom objektu za skladištenje i pretakanje goriva, ulja i maziva te izvesti AB tankvanu od vodonepropusnog betona otpornog na dejstva hemikalija, projektnom dokumentacijom nije predviđeno da se na drugačiji način vrši manipulacija istih unutar kamenoloma.
- 3.4. U skladu sa članom 26.a Uredbe o uslovima ispuštanja otpadnih voda u okoliš i sisteme javne kanalizacije („Službene novine Federacije BiH” broj: 26/20, 96/20 i 1/24) nosilac prava iz ove vodne dozvole dužan je izvještavati nadležnu Agenciju i Federalno ministarstvo okoliša i turizma o realizaciji planiranih aktivnosti u zadatim rokovima iz detaljnog dinamičkog plana, prvi put najkasnije do 31.12.2024. godine, a drugi put najkasnije do 30.06.2025. godine na obrascu iz Priloga B navedene Uredbe.
- 3.5. U toku važenja ovog Rješenja, korisnik predmetnih objekata je obavezan poduzeti sve potrebne mjere kako bi kvalitet tehnoloških otpadnih voda, a prije ispuštanja u recipijent, zadovoljio granične vrijednosti u skladu sa članom 15. Prilog 27. Uredbe o izmjenama i dopunama uredbe o uslovima ispuštanja otpadnih voda u okoliš i sisteme javne kanalizacije („Službene novine Federacije BiH”, broj: 26/20, 96/20 i 1/24).
- 3.6. Korisnik kamenoloma je dužan, putem laboratorije ovlaštene od strane Federalnog ministarstva poljoprivrede, vodoprivrede i šumarstva, vršiti redovna ispitivanja kvaliteta otpadnih voda, uzimanjem uzorka efluenta iz okna za monitoring u skladu sa članom 19. stav (4) Uredbe o uslovima ispuštanja otpadnih voda u okoliš i sisteme javne kanalizacije. Učestalost i način ispitivanja vršiti u skladu sa članom 3. Uredbe o izmjenama i dopunama uredbe o uslovima ispuštanja otpadnih voda u okoliš i sisteme javne kanalizacije („Službene novine Federacije BiH”, broj: 1/24). Rezultate analiza dostaviti ovoj Agenciji. Izvještaje o ispitivanju i ocjeni kvaliteta otpadnih voda može uraditi isključivo laboratorija ovlaštena od strane Federalnog ministarstva poljoprivrede, vodoprivrede i šumarstva po osnovu člana 64. stav (3) Zakona o vodama i Pravilnika o uslovima koje moraju ispunjavati referentne odnosno ovlaštene laboratorije za ispitivanje voda, sadržaj i način davanja ovlasti („Službene novine Federacije BiH”, broj 14/10, 14/13, 26/14, 23/17 i 41/20).
- 3.7. Otpadno ulje (rabljeno ulje), zauljeni otpadni materijal (filteri, krpe, pucvale i slično), ulje iz separatora te talog iz taložnika, potrebno je prikupljati u zasebnu ambalažu, u skladu sa propisima iz oblasti zaštite okoliša. Zbrinjavanje ovih otpada treba povjeriti firmi ovlaštenoj za zbrinjavanje opasnog otpada.
- 3.8. Opasni materijal i otpad nastao pri izvođenju radova i eksploatacije mineralne sirovine ne smije se ni privremeno odlagati na česticu «vodno dobro», odnosno u vodotok i na njegove obale.
4. Vlasnik, odnosno korisnik objekta je obavezan voditi propisne evidencije, te nadležnim organima dostavljati propisane obrasce (Obrazac EBS) u skladu sa Zakonom o vodama („Službene novine Federacije BiH”, broj 70/06) i Pravilnikom o načinu obračunavanja, postupku i rokovima za obračunavanje i plaćanje i kontrolu izmirivanja obaveza na osnovu opšte vodne naknade i posebnih vodnih naknada, Poglavlje V („Službene novine Federacije BiH”, broj 92/07, 46/09, 79/11, 88/12 i 03/16). Za utvrđeni broj EBS-a, prema rezultatima ispitivanja ovlaštene laboratorije, vlasnik odnosno korisnik objekta je obavezan vršiti plaćanje vodnih naknada u skladu sa Zakonom o vodama i Pravilnikom o načinu obračunavanja, postupku i rokovima za obračunavanje i plaćanje i kontrolu izmirivanja obaveza na osnovu opšte vodne naknade i posebnih vodnih naknada („Službene novine Federacije BiH”, broj 92/07, 46/09, 79/11 i 88/12).

5. U periodu važenja ove dozvole, pravno lice je dužno provoditi sve mjere i aktivnosti propisane istom.
6. Ukoliko radom predmetnog poslovnog objekta za koji se izdaje ova vodna dozvola dođe do promjene režima površinskih i podzemnih voda, a te promjene prouzrokuju štete ma kakvog karaktera, korisnik objekta je dužan uzroke štete otkloniti, a nastale štete nadoknaditi.
7. Vlasnik odnosno korisnik objekta nema pravo na naknadu eventualnih šteta prouzrokovanih plavljenjem i iste padaju na njegov teret.
8. Prava stečena po ovoj dozvoli ne mogu se prenositi na treća lica, a ista prestaju u skladu sa odredbama Zakona o vodama.
9. Ova vodna dozvola, u skladu sa članom 26. stav (1) Uredbe o uslovima ispuštanja otpadnih voda u okoliš i sisteme javne kanalizacije se daje sa rokom važenja do **30.06.2026.** godine, uz uslov da se aktivnosti obuhvaćene tačkom 3. dispozitiva rješenja u cijelosti poštuju.
10. Prije isteka važnosti ove dozvole, Investitor je dužan da podnese zahtjev za izdavanje nove vodne dozvole.
11. Ovo rješenje o vodnoj dozvoli može se izmjeniti ukoliko za to nastupe razlozi utvrđeni u članu 130. Stav (1 ili 4. Zakona) tačka 1., 2., 3. o vodama, a zainteresirane stranke podnesu argumentiran zahtjev za izmjenu ovog vodnog akta.

O b r a z l o ž e n j e

Pravno lice „ĐUZELIĆ“ d.o.o. Cazin, obratilo se ovoj Agenciji dana 30.10.2024. godine zahtjevom za izdavanje vodne dozvole za kamenolom "Ostrožac I i Ostrožac II", na lokaciji Polje, Grad Cazin, a čije su granice eksploatacionog polja odobrene Rješenjem Federalnog ministarstva energije, rudarstva i industrije, a na kojem se vrši eksploatacija industrijske mineralne sirovine dolomita. U provedenom postupku, uz zahtjev za izdavanje vodne dozvole dostavljena je i pregledana slijedeća dokumentacija:

- Ovjerena kopija Rješenja o izmjenama podataka, broj: 017-0-Reg-22-000589, izdano dana 30.09.2022 . godine, od strane Općinskog suda u Bihaću,
- Ovjerena kopija Uvjerenja o poreznoj registraciji, izdano dana 12.11.2002. godine, od strane Federalnog ministarstva finansija, Porezne uprave – Kantonalni ured BIHAĆ,
- Ovjerena kopija Uvjerenja o registraciji/upisu u Jedinostveni registar obveznika indirektnih poreza, izdano od strane Uprave za indirektno-neizravno oporezivanje Bosne i Hercegovine, broj 04/1-UPJR/1-4346-2/07, dana 06.07.2007. godine, u Banjaluci,
- Kopija naloga za plaćanje upravne pristojbe,
- Ovjerena kopija rješenja, kojim se privrednom društvu „Đuzelić“ d.o.o. Cazin odobrava eksploatacija industrijske mineralne sirovine dolomita na eksploatacionom polju „Ostrožac“, kod Cazina, na području općine Cazin; izdano od strane Federalnog ministarstva energije, rudarstva i industrije pod brojem Up/I broj:06-18-785/04 dana 28.10.2004. godine, u Mostaru,
- Ovjerena kopija rješenja, kojim se daje urbanistička saglasnost investitoru „ĐUZELIĆ“ d.o.o. Cazin, sa sjedištem u Cazinu, Ul. Ostrožac 185, za površinsku eksploataciju mineralnih sirovina (kamen dolomita), montažu tehnološke opreme za primarnu i sekundarnu preradu kamena krečnjaka (dolomita), te lociranje i izgradnju objekata za potrebe radnika na kamenolomu „Ostrožac“ (dva tipska kontejnera), na lokalitetu „Čemernica“, u ležištu dolomita „Ostrožac“ kod Cazina, na građevinskom zemljištu u vlasništvu investitora. Eksploataciono polje je površine 20.021 m² (cca 2,0 ha), nepravilnog oblika, okontureno prelomnim tačkama od A do L i koordinatama x i y; izdano od strane Federalnog ministarstva prostornog uređenja i okolice pod brojem UP-I/02/2-23-2-87/03, dana 09.02.2004. godine, u Sarajevu,
- Ovjerena kopija Rješenja, kojim se daje investitoru d.o.o. „ĐUZELIĆ“ Ostrožac, Cazin, vodoprivredna dozvola za eksploataciju mineralne sirovine – dolomita, na lokalitetu „Čemernica (Ostrožac)“ kod Cazina; izdano od strane Kantonalnog ministarstva poljoprivrede, vodoprivrede i šumarstva Unsko-sanskog kantona pod brojem 08-25-3824-UP-1/07 dana 23.04.2007. godine, u Bihaću,
- Ovjerena kopija Rješenja, kojim se izdaje okolinska dozvola investitoru Đuzelić d.o.o. Cazin 77 228 Ostrožac sa sjedištem u Cazinu, za eksploataciju dolomita na lokalitetu „Ostrožac“, općina Cazin; izdano od strane Ministarstva okoliša i turizma pod brojem UPI 05/2-19-5-103/20 FM dana 28.12.2020. godine, u Sarajevu,

- Kopija Ugovora o koncesiji br. KU 024/2005 za istraživanje i eksploataciju dolomita na ležištu „Ostrožac“ u općini Cazin, zaključen sa koncesorom – Kantonalnim ministarstvom privrede Unsko-sanskog kantona dana 18.04.2005. godine u Bihaću pod brojem 01/4-6/05, odnosno brojem 06-18-5768-1/05,
- Kopija Ugovora o koncesiji br. KU 064/2022 za istraživanje i eksploataciju dolomita na ležištu „Ostrožac II“ u općini Cazin, zaključen sa koncesorom – Kantonalnim ministarstvom privrede Unsko-sanskog kantona dana 16.05.2023. godine u Bihaću pod brojem 01/2-34, odnosno brojem 06-14-5199-1/2023.,
- Glavni projekat hidroinstalacija za prikupljanje , prečišćavanje, odvodnju i ispuštanje otpadnih voda sa PK dolomita „Ostrožac I“ i „Ostrožac II“ Grad Cazin, urađen od strane „TQM“ d.o.o. Lukavac, pod brojem: 10-113/23, maja 2023. godine,
- Kopija Rješenja o vodnoj dozvoli, izdanoj od strane Agencije za vodno područje rijeke Save pod brojem UP-1/21-3-40-073-5/22, dana 25.04.2022. godine,
- Kopija Rješenja, kojim se privrednom društvu „Đuzelić“ d.o.o. Cazin, sa sjedištem Ostrožac 185 kod Cazina odobrava izvođenje radova po Glavnom rudarskom projektu eksploatacije dolomita na PK – kamenolomu „Ostrožac“ kod Cazina; izdano od strane Federalnog ministarstva energije, rudarstva i industrije pod brojem Up/I broj: 06-18-785/04, dana 28.10.2004. godine, u Mostaru,
- Kopija Rješenja, kojim se privrednom društvu „Đuzelić“ d.o.o. Cazin, sa sjedištem Ostrožac 185 kod Cazina odobrava izvođenje radova po Glavnom rudarskom projektu eksploatacije dolomita na PK – kamenolomu „Ostrožac II“ kod Cazina; izdano od strane Ministarstva privrede Vlade USK pod brojem: 06-14-7914-UP-1/24 od 29.07.2024. godine, u Bihaću,
- Izvod iz usvojenog nacrtu prostornog plana općine Cazin (Službene novine općine Cazin, 1/07); izdan od strane Službe za urbanizam i zaštitu okoliša Grada Cazina pod brojem 04-19-2543/2020, dana 26.02.2020. godine,
- Zaključak o visini i roku za plaćanje posebnih troškova, izdano od strane ove Agencije, broj UP-1/21-3-40-533-3/24, dana 27.11.2024. godine, te kopija naloga za plaćanje istih.

Nakon pregleda dostavljene dokumentacije, u skladu sa članom 12. stav 5. i 6. Pravilnika o sadržaju, obliku, uvjetima i načinu izdavanja i čuvanja vodnih akata („Sl. novine Federacije BiH“ broj: 31/15, 55/19 i 41/20), izvršen je pregled lokaliteta PK kamenoloma "Ostrožac I" i „Ostrožac II“, koji se koristi od strane firme „ĐUZELIĆ“ d.o.o. Cazin, i tom prilikom sačinjen zapisnik o uviđaju, broj: UP-1/21-3-40-533-2/24 od 27.11.2024. godine, pri čemu je utvrđeno:

Predmetni kamenolom "Ostrožac I i II" je lociran u naselju Ostrožac, Grad Cazin.

Eksploataciono polje „Ostrožac I“ je površine 4,18 ha ograničeno prelomnim tačkama označenim kao: A, B, C, D, E, i F i „Ostrožac II“ površine 4,86 ha, ograničeno prelomnim tačkama označenim kao: A1, B1, C1, D1, E1, F1, G1, H1, I1, J1, K1, L1, M1, N1, O1, P1, Q1, R1, S1, T1, U1, koje su definisane koordinatama (x,y), kako je definisano gore navedenim Rješenjem Federalnog ministarstva energije, rudarstva i industrije broj: 06-18-120/04 dana 07.04.2004. godine, i Rješenjem Kantonalnog ministarstva privrede broj. 06-14-7914-UP-1/24 od 29.07.2024. godine kojim se odobrava eksploatacija industrijske mineralne sirovine dolomita unutar eksploatacionih polja „Ostrožac I i II“ kod Cazina.

Dio lokacije tretiran kao faza I obuhvatao je dio II zaštitne zone izvorišta vode za piće „Vignjevići“ (dio k.č. broj 1648, dio k.č. broj 1646 i dio k.č. broj 1640). Izradom Elaborata zaštite izvorišta Vignjevići te usvajanjem Odluke o zaštiti izvorišta vode za piće „VIGNJEVIĆI“ cijeli prostor eksploatacionog polja, kao i predviđeno proširenje kamenoloma, se našlo izvan zaštitnih zona izvorišta vode za piće Vignjevići. Za predviđeno proširenje predmetnog kamenoloma je od strane ove Agencije izdano rješenje o prethodnoj vodnoj saglasnosti.

Granice istražnog polja su odobrene Rješenjem Federalnog ministarstva energije, rudarstva i industrije broj: 06-18-120/04 dana 07.04.2004. godine, kojim se odobrava eksploatacija mineralne sirovine dolomita na eksploatacionom polju „Ostrožac“, a Rješenjem istog ministarstva broj: 06-18-785/04 od 28.10.2004. godine, se dozvoljava izvođenje radova po Glavnom rudarskom projektu eksploatacije dolomita na PK-kamenolomu „Ostrožac“ što je definirano i Ugovorom o koncesiji br. KU 024/2005 za istraživanje i eksploataciju dolomita na ležištu „Ostrožac“ u općini Cazin.

Na predmetnom kamenolomu, u vrijeme izvršenja uviđaja, su postojali slijedeći objekti i mašine/postrojenja: postrojenje za drobljenje kamenog agregata, postrojenje separacije drobljenog kamena, hidraulični bager, utovarivač, bušuća garnitura te kamion za odvoz kamenog agregata do postrojenja za proizvodnju betona, udaljenog 1,3 km. Na kamenolomu su instalirani kontejneri za ishranu sa prostorom za administraciju.

Na predmetnom lokalitetu, u vrijeme izvršenja uviđaja su vršeni radovi na eksploataciji mineralne sirovine na dvije etaže.

Na kamenolomu je izvršen priključak na javni gradski vodovodni sistem za sanitarne potrebe zaposlenih i eventualno obaranje prašine na internim saobraćajnicama. Sanitarne otpadne vode se zbrinjavaju u septičkoj jami.

Oborinske vode sa internih saobraćajnih i parkirnih površina, radnih površina kopa te skladišnih površina frakcija kamenog agregata, a koje mogu da sadrže produkte naftnih derivata sa radnih mašina i vozila u prometu internog saobraćaja, kao i suspendirane materije sa radnih mašina se najvećim dijelom zadržavaju unutar istražnog polja te slijevaju ka prirodnom jezercu unutar eksploatacionog polja budući da je to najniža tačka na predmetnom prostoru.

Izveden je obodni kanal za prihvat oborinskih voda sa okolnog prostora kamenoloma, koji je viši od eksploatacionog polja i sproveden u kanal pristupnog puta.

Voda sa površine platoa za pretakanje goriva i održavanje vozila se sliva u vodosabirnik unutar eksploatacionog polja bez prethodnog tretmana, budući da nije ugrađen predviđeni separator ulja i masti.

Nije izveden plato za pranje i servisiranje građevinskih strojeva niti plato za tankovanje goriva i pranje mašina.

Na osnovu dostavljene dokumentacije i utvrđenog činjeničnog stanja, a u svrhu smanjenja negativnih uticaja predmetnog objekta i aktivnosti na stanje voda i vodni režim, podnosiocu zahtjeva su ovom vodnom dozvolom propisani uslovi kako je to regulisano članom 115. do člana 118. Zakona o vodama i članovima 12. i 13. Pravilnika o sadržaju, obliku, uslovima, načinu izdavanja i čuvanja vodnih akata i Uredbe o uslovima ispuštanja otpadnih voda u okoliš i sisteme javne kanalizacije.

Na osnovu provedenog postupka konstatuje se da je podnosilac zahtjeva „ĐUZELIĆ“ d.o.o. Cazin, ispunio minimum uslova za izdavanje vodne dozvole za ispuštanje tehnoloških otpadnih voda i aktivnost koja može privremeno ili trajno degradirati kvalitet voda ili ometati poboljšanje njihovog postojećeg kvaliteta u toku rada za kamenolom "Ostrožac", Grad Cazin, te je riješeno kao u dispozitivu ovog Rješenja.

Podnosilac zahtjeva je na ime izdavanja ovog vodnog akta izvršio uplatu pristojbe iz tar. broj 43. Zakona o federalnim upravnim pristojbama i Tarife federalnih upravnih pristojbi („Službene novine Federacije BiH“, broj 06/98, 8/00, 45/10 i 45/13).

Uputa o pravnom lijeku:

Protiv ovog rješenja može se uložiti žalba Federalnom ministarstvu poljoprivrede, vodoprivrede i šumarstva, u roku od 15 dana od dana prijema rješenja.


Žalba se podnosi neposredno pismeno ili preporučeno putem pošte ovom organu i taksira se sa 15 KM takse, prema tarifnom broju 3. Tarife federalnih administrativnih taksi.

Voditelj postupka:

Fuad Mujagić, dipl. inž.

Po ovlaštenju

Rukovodilac sektora za izdavanje vodnih akata


Nihad Pezo, dipl.inž.grad.

Dostaviti:

- „ĐUZELIĆ“ d.o.o. Cazin, Ostrožac 185, 77 220 Cazin
- ⊙ AVP Sava, ISV – Vodna knjiga
- Sektor 50
- Sektor 40, arhiva
- Oglasna ploča - AVP Sava